

Script Of Morning Gojri News Bulletin 12 August 2024 at 1015Hrs

ما رنینگ گو جری نیو ز بلیٹن مو رخہ 12 اگست 2024

یوہ آکا شوانی جموں بے عبید الرحمان تیں خبر سُنو۔

LG Polls

لیفٹنٹ گو رنر منوج سنہا نے گذشتہ روز اس گل غو یقین دوايو کہ جموں کشمیر ں ے اندر اسمبلی انتخابات جلدی ویں گا۔ جموں یونیورسٹی مانہہ ما لویہ مشن اُستاد تربیت مرکز غو افتتاح کرن تیں بعد ذرائع ابلاغ نال گل کرتاں واں جناب سنہا نے کہیو کہ وزیر اعظم نریندر مودی نے اس سال جون مہینہ مانہہ سرینگر غا دورہ غے دوران کہیو تھو کہ جموں کشمیر مانہہ اسمبلی انتخابات جلد کرایا جا ئیں گا۔ اس تیں علا وہ مرکزی وزیر داخلہ امت شاہ نے پا رلیمنٹ مانہہ 5 اگست 2019 غے روز کہیو تھو کہ پا رلیمانی حلقہاں غی حد بندی تیں بعد اسمبلی انتخابات کرایا جا ئیں گا اور پھر صحیح وقت آن ور ریاست گو درجو دوبا رہ دتو جا ئے گو۔ جناب سنہا نے کہیو کہ ساری گل سرکار غا وعداں غے مطابق چل رہی ہیں۔ مٹاں اُمید بے کہ اسمبلی انتخابات بہت جلد کرایا جا ئیں گا۔

Crop Insurance

جموں کشمیر غے اندر سرکار فصل بیمہ اسکیم نانہہ باغبانی شعبہ مانہہ متعارف کران غو منصوبو رکھے۔ باغبانی شعبو جموں کشمیر غے اندر علاقائی معیشت مانہہ اہم مقام رکھے۔ اور اس اسکیم نال سینکڑاں غی تعداد مانہہ کساناں نانہہ فائدو حاصل وے گو۔ آکاشوانی جموں گا نمائندہ نے خبر دتی بے جے اس سکیم غو مقصد قدرتی آفات تے بے مو سمی بارشاں نال فصلان غا نقصان غو ازالو تے کساناں غی دیرانہ مانگ نانہہ پورو کرنو بے۔ اس فصل بیمہ اسکیم غے تحت فصلان غا قدرتی طور ور ہون آلا نقصان غو مالی تخمینو لا گے بیمہ کمپنیاں تے دوجا مالی اداراں تیں مالی مدد حاصل کرنو بے۔ سرکار اس ضمن مانہہ مالی اداراں غا تعاون نال سکیم غی موثر عمل آوری واسطے اقدام کر رہی بے۔

Govt SAR

جموں کشمیر سرکار نے اپنا ملازماں واسطے ایس اے آر رپورٹ جمع کران غی آخری تاریخ مانہ توسیع کر دتی ہے۔ اس ضمن مانہ جاری کیا گیا اطلاع نامہ غے تحت مالی سال 2024 غا اپریل تیں جون مہینہ غی ایس اے آر رپورٹ 20 اگست 2024 تک ای پی ایم پورٹل ور جمع کرائی جا سکے۔ اسے طروح اطلاعات افسراں واسطے ایس اے آر رپورٹ جمع کران غی آخری تاریخ 30 اگست 2024 مقرر کی گئی ہے۔ اس تیں علاوہ جن ملازمین نے پورٹل ور اپنو اندراج نہیں کرایو اُن مانہ ہدایت جاری کی گئی ہے کہ وہ پورٹل ور اندراج کرا غے مقررہ وقت غے اندر اپنی ایس اے آر رپورٹ جمع کراویں۔

DGP VDG

پولیس غا ڈائریکٹر جنرل آر آر سوین نے گذشتہ روز کہیو ہے کہ گرائیاں گا حفاظتی گارڈز یعنی وی ڈی جیز بین القوامی سرحداں غے نیڑے سرحدی حفاظتی فوج تے جموں کشمیر پولیس غے نال مل غے دشمنان غو مقابلو کریں گا۔ اُنہاں نے کہیو کہ جدید ہتھیاراں نال لیس یہ گرائیاں حفاظتی گارڈز بیرونی خطراں نال فوج غے ہمراہ نبڑیں گا۔ ضلع سانہ غا راجپورہ ہائی اسکول مانہ دیگر افسراں غے ہمراہ ڈی جی پی موصوف نے کہیو کہ وی ڈی جیز غا کم کاج غو طریقو بی ایس ایف تے جموں کشمیر پولیس غا تال میل اور صلاح مشورہ تیں بعد تعارف کرایو جائے گا۔ اُنہاں نے مزید کہیو کہ تاریخی سطح ور وی سرحدی علاقاں غا لوکاں نے ملیٹنسی مانہ ختم کرن مانہ پولیس تے فوج غی بڑی مدد کی ہے۔

Encounter Udhampur

ضلع اُدھم پور کھانیڈ علاقہ مانہ گذشتہ رات حفاظتی دستاں تے دہشت گرداں بشکار گولہ باری ہوئی۔ بسنت گڑھ پولیس سٹیشن تے اُس غے نیڑے کھانیڈ علاقہ مانہ دہشت گرد مخالف آپریشن چلايو گیو۔ اس ضمن مانہ ذریعاں غے مطابق گذشتہ روز کجھ وقت تک دہشت گرداں نے فوجی جواناں بشکار ٹاکرا گو سلسلو جاری ریو۔ ضلع اُدھم پور غا اُوپری علاقاں مانہ گھنا جنگلاں مانہ کجھ دہشت گرد

گروپاں غی موجودگی غو خدشو بے اور اس ضمن مانہ فوج نے بڑا پیمانہ ور تلا شی کا روائی دہشت گردی مخالف آپریشن شروع کیو بے۔

Solar Cooking Utensils

فوج گو جر بکروال قبیلہ گا لوکاں نال ملاقات کر غے اُن غی مشکلاں نانہ سمجھن تے اُن غی فلاح و بہبود خاطر کم کر رہی بے۔ آکاشوانی جموں غا نمائندہ نے خبر دتی بے کہ گو جر بکروال قبائلی طبقہ غا لوگ بڑا مشکل حالات غو سامنو کریں اور فوج نے یوم آزادی غی تقریب تیں پہلاں اِن افراد غی روزمرہ زندگی نانہ بہتر بنان خاطر ضلع راجو ری غا بُدھل علاقہ مانہ سدبھاونہ اسکیم غے تحت شمسی توانائی نال چلن آلا کھان پکان غا برتن تقسیم کیا ہیں۔

Interaction Gujjar and Bakarawals

بھارتیہ فوج نے ضلع راجو رہ غا مٹھیانی گالہ گراں مانہ گجر بکروال طبقہ غا افراد سرپنچ، پنچ، نمبردار، چوکیدار تے کئی دیگر مقامی افراد نال ملاقات کی۔ اس ملاقات غو مقصد فوج تے عوام بشکار رابطاں نانہ مضبوط کرنوتھو۔ اس دوران مقامی لوکاں نے موجودہ حفاظتی صورتحال با رے آگاہ کیو گیو۔ اور فوج تے عوامی شکایات وی سُنیں۔ اور اُن غا ازالہ واسطے مزید منصوباں ور وی تبادلہ خیال کیو گیو

Tiranga Rallies Kishtwar

یوم آزادی تقریبات تیں پہلاں ضلع کشتواڑ غے اندر حُب الوطنی غی کئی تقریبات تیں علا وہ تحصیل سطح ور ترنگا ریلیاں غو سلسلو جا ری بے۔ ڈی سی کشتواڑ ڈاکٹر دیوانش یا دُو غی سربراہ مانہ ان ریلیاں مانہ طالب علماں تیں علا وہ سماج غا تمام افراد حصو لے رہیا ہیں۔ ڈی سی کشتواڑ نے تمام شہریاں تیں اپیل کی بے کہ وے ”ہر گھر ترنگا مہم مانہ شامل ویں اور مقامی لوکاں غی اس گل واسطے حوصلہ افزائی کی گئی بے کہ وے فخریہ انداز مانہ اپنا گھراں ور قومی جھنڈو لہراویں اور اُس نال اپنی فوٹو لے غے سرکار ویب سائٹ

harghartiranga.com

ور چاڑیں۔

Ramban Trianga

ضلع رام بن غے اندر وی ”برگھر ترنگا“ مہم غے تحت ترنگا ریلیاں غو انعقاد کیو جارہیو ہے۔ اس ضمن مانہ چندرکوٹ، گول، اُکھرال تے کھیری مانہ مقامی لوکاں، طالب علماں تے دیگر افراد نے ریلی مانہ بڑا پیمانہ ور شرکت کی اور حُب الوطنی غا جذبہ غو مظاہرہ کیو۔ ڈی سی رام بن بصیر الحق نے اپنا پیغام مانہ ”برگھر ترنگا“ مہم غی اہمیت ور بولتاں واں کہیو کہ اس مہم نال آپسی بھائی چارہ تے حُب الوطنی غا جذبہ نانہ طاقت ملے۔ اُنہاں نے تمام لوکاں تیں اپیل کی کہ وے اس مہم غو حصو بنیں۔

اس غے نال ہی خبراں غو یوہ بلیٹن ختم ہوؤ۔